

東萊呂太史文集

五



宋史呂太史文集卷第十
墓誌銘

金華戚如圭母周氏墓誌銘

門內之治女美婦德母道三而有一焉既長自附女
是而始終秉者實維金華戚君楊之夫人周氏
戚君同縣人生七年而喪其父屬睦寇陷郡城
母於是祖母老

宋版東萊呂太史文集

第五冊

宋史呂太史文集

第五冊

東萊呂太史文集卷第十一

墓誌銘

金華戚如圭母周氏墓誌銘

門內之治女美婦德母道三而有一焉既足自附女
是而始終衷者實維金華戚君楊之夫人周氏
戚君同縣人生七年而喪其父屬睦寇陷郡城
母杜夫人提以匿林藪亂定又喪其母於是祖母老
矣家人懼傷其意撤几筵不能如期夫人與伯姊飯
必先祭見者為涕下蚤夜祖母側油油疊疊不少懈
已而祖母沒無所歸鞠於母家弟贅劉氏復偕夫人
依焉卑身祇飭劉氏媪愛之過所生褚囊鍵閉一以
諉夫人為擇嘉對以歸于戚君戚君博學自持夫人
以簡淡相之益協姑高夫人臨諸婦甚嚴凜凜如奉
槃水猶莫能當其意夫人始盟饋拜堂下高夫人一
見大說遊處獨進夫人與俱時有所不樂俄凡坐
卻肉不御小大側足旁睨無敢出一語夫人羞甘鮮
司顏色而共之高夫人每為舉匕箸居無何高夫人
忽得風痺疾竟其身卧起皆須夫人蓋歸戚氏十有
八年而戚君卒四子一女皆幼田財數十畝族黨憂
不能濟夫人攻苦食淡身處其勞而佚諸子於學米



鹽薪芻之問不云去其耳方未就外傳孝經論語率夫
人口授稍長每反面必問其所與遊善士也則笑語
異他日否則神色輒不怡故多以謹恪聞蠶事起自
課甚苦諸子晨省夫人已僕僕筥箔間夜分誦習急
且寢壁後絡織猶未絕也絲入有經口衆不足於衣
則又縷絮緝絕以佐其闕天暑汗浹背不休諸子更
勸夫人少紓其勤夫人曰吾職也吾敢廢職而嬉下
至麻桌蔬茹科理靡密老農圃者不能加貧慈祥雖
呼指婢僕如恐傷之歲時祭享前事或病自力戒具
旁舍人曰夫人病意是祭闕矣昨暮爨下有聲乃能
強起乎季年長子以進士入官間一歲次子亦遊太
學閭里相謂夫人當喜不自勝矚之泊如也以淳熙
元年二月己卯終於寢年六十有二五月戊戌祔于
縣之東陽鄉午塘塢戚君之兆曾祖餘慶祖敗父彥
昭子如圭迪功郎新紹興府嵒縣尉次如玉如璧如
珪女適進士周天麟孫女一尚幼夫人晚時觀書輒
能舉大義嘗讀上蔡謝良佐氏語錄顧諸子曰既不
爲祿利復不求人知斯所謂問學者耶夫人期諸子
者蓋如此銘曰

震風凌雨集初齡百憂所堅澗明冰厥速旣輯玉

鳴銜空案墜書哭聲四雜未翼巢歎傾手按足機口
授經翩翩相顧騫脩翎可以下報午塘君

大梁張君墓誌銘

靖康之難中原衣冠屑播蕩析之餘其變何可勝道
主鄉論者要當哀其不幸而體其不得已乃若張君
者始雖失業終自封殖以莸其宗則於可哀之中又
有可書者焉君諱勰字邦和自其遠祖諫議大夫惟
則繇澤州高平徙名數于京師祖復古通議大夫父
珪朝請郎母劉氏封安人君生而喪其父總角崎嶇
兵間又喪其母已能悉力斂藏嚴飭久益困寄食媼

東萊集十一

戚忽感憤不持一錢掉臂出門周旋四方頽拾印取
數航海歷交趾勃泥諸國其貨日溱則曰吾向也不
難自屈懼填溝壑隕先人宗祀耳今可止矣於是買
田婺州郭外教其子以學同宗有漂泊江淞者往來
必周其乏女無歸者或爲資遣故人以窮歸君忻然
發橐無纖畜態北客多稱之異時公卿家子膚理豐
腴以裘馬自喜及失倚離執大不能致人小不能致
於人雖欲名一技以活身枵然無有以君視之不旣
賢矣乎君晚節浮湛里閭吐納自養暇則爲人道夷
夏土風物產濤波島淑魚鼈雄奇之變袞袞可聽蚤

歲徑顛吉竟上天大雪失道夜投何人家棟宇闕麗
如王侯第卧未安聞牖外嘈嘈語且泣雜五方之聲
起窺之則數十女子羣處一室纍然若囚繫旦私問
於鄰鄰人吐舌曰君何從見邪主人翁歲歲剽掠子
女鬻之遠郡累貲且鉅萬矣亟閉口勿語且并禍我
君上謁請見徐以利害禍福曉譬之初愕不答久乃
領解比復過其門有指以語君者曰是翁去歲遇異
人遂盡舍故業所掠皆護致付其父母畏事自守一
鄉以安歎咤不休不知乃君也君亦不自言而去以
乾道九年十月九日終于家年五十五淳熙元年六
月庚申葬于金華縣赤松鄉糝嶺娶董氏生三子長
垓承信郎次蚤天次未名六女長適進士董濱老次
適右迪功郎閻燾以釐歸餘未行垓嘗從予游於君
之葬以銘來請銘曰

朔氛漲天方邑屋墟海濤沃日方萬貨區巫陽下招
方歸其居出入阡陌方僮騎都歲時伏臘方道往初
北幕南颿方來坐隅噫後之人方思拮据蚤夜敬戒
方持門閭

金華汪仲儀母王氏墓誌銘

譜學昏議不相為謀而相為用昔者氏族之學嘗行

矣南有王謝北有崔盧品第申乙聘娶一失其班則俗以爲大耻放乎末流乃或挾以相市於是氏族反爲昏姻病及其旣衰則又混爲一區由卑援高者厥咎僭厥罰常處可厥妖婦乘夫由高耦卑者厥咎貪厥罰常驕厥妖天虐婦眠鄉者之患未知其孰先後也以吾觀於州間之嫁娶不外慕不遠求族望旣稱情義亦通冝其家而蕃其後者常必由之尚氏族者誠若是亦何可於世乎言金華之門閥者汪與王爲顯姓夫人受氏於王出適於汪汪王之睦有自來矣蓋予所謂族望稱而情義通者也自初盟饋訖于終勤

儉自律未嘗袷服治容內外親以窶謁者隨多寡及之曰彼以親親之道來空行空反吾慙焉聊以致吾心耳其誨諸子則曰汝曹第專意經史毋以貨取爾志婢妾童奴拊循一以和厚條理家事方有緒而夫人則死矣壽甫五十一實乾道九年十二月癸未葬以淳熙元年八月甲申其鄉惠日其原九里曾祖本贈宣教郎祖登承議郎累贈特進考師古夫曰浩子曰仲儀仲儼仲侃仲偁仲僖女六長以疾在室次適曹著次適曹莊次適時伯茂餘未行時氏婦後夫人七月亦卒孫男四女二仲儀嘗從予游先葬請識乃

銘之曰

錫其匹燕其宗相其原安其官

喬德瞻墓誌銘

吾友喬拱德瞻質甚茂貌甚和志鄉甚正從前輩游深繹默味蓋非易其言者其事親油油然若不足也其奉兄惓惓然左右之欲不違也其處宗族鄉黨惕惕然恐恩意之或不孚也其講習將求盡乎此其踐行亦既深知其難矣方用力於是也乾道九年十一月一日以疾卒年二十有九妻樓氏後百二十日亦卒以淳熙元年十月五日葬于東陽之西山崗裏原

曾祖應祖考松母杜氏二子豫臨銘曰

莫之爲而爲者其天平苗而不秀者有矣夫嗚呼

淳安盧君墓誌銘

新定之有淳安壯縣也淳安之有盧氏聞家也君諱大經字子權於諸盧爲尊老年七十有八以乾道九年九月十三日終于家明年改元淳熙十一月二十三日葬于縣之翰林村始予爲新定校官君之季子實綴弟子負後其叔介季以見旣因弟而見其兄叔季游居數年益習其家庭之訓復因子以得其父及是以銘來謁乃論其可載者著之蓋君少入郡庠三

會法未罷當升名大司成吏方析錙銖於貢法疑典
教者導君自理君曰以訐得貢吾耻之且友人劉南
武第居次不若以就南武遂不自言久之數誦於有
司盡棄科試業歸輯其家疆畝垣屋埒園陂澮無細
大皆釐飭遇其暇時繙史賦詩以自適聚族雖衆閭
內外不鍵而嚴交際意所不合憤憤色上面至所傾
鄉則掀髯談喙連日夜不休其質易大氏若此晚歲
召諸子立堂下命之曰汝震汝雱母遠遊以紓吾勞
汝琰汝瑄母懷安以成吾志既授以職嗒然宴坐絕
口不掛外事從容自頤竟于耄耄庶幾善佚其老者
曾祖文照祖慶孫父哲母宋氏娶亦宋也四子五女
監應山稅楊九思進士徐孝祥迪功郎段子亭進士
方佑張百之其壻也五孫長曰樞餘皆幼銘曰
間之燕之麋壽綏之基之堂之旣右翼之有鬣者丘
于彼中林納詩其藏匪今斯今

義烏陳錫母朱氏墓誌銘

烏傷陳生踵門言曰錫也執經坐下生養死葬之節
樂嘗有聞今也不幸母之喪功衰旣御矣大懼不克
終大事爲師友羞我家君稽於陳氏之祖考粵甲
午十一月壬寅食百用旣戒獨幽堂之銘有其石而

闕其辭敢稽顙以請予進之席問其世曰系朱氏曾
祖績祖存考逢生十有九年歸于家君名則登也問
其後曰男五肇將仕郎仲仁進武校尉集將仕郎次
乃錫又次鎰女二長適詹允恭次適葉松孫男六若
古若麟若虛若川若訥餘未名女五長適朱大明次
適揚烈餘尚幼問其行曰母氏資勤儉佐家君理內
事自始饋至髮有二色猶不怠於訓子尤篤媼姪隣
里大抵不失其驩心問其壽曰六十有四其沒實乾
道八年九月十八日問其葬曰金華縣之龍盤原於
是次第其語而繫以銘曰

疇專而綿兮曷晦而泉兮維以章其阡兮

分水王君墓誌銘

君諱日就字成德姓王氏新定分水人也君少以俠
氣蓋里中嘗夜獵從騎四出即獸無在者有畜犬鳴
鳴銜衣箠之不卻且導且前公獨怪之亟隨以歸明
日覆視其處左右虎跡縱橫乃歎曰犬人畜也猶知
愛其主吾奉父母遺體不自愛可乎於是解鱗鱗
盡謝獵徒閉戶紬架上書閱之領略其大指不
繞章句學讀史至三國二晉豪傑輒擊節不能自
遇其意適或爲人誦之音節清厲聽者咸竦中

明傳家政於其子堅坐晦默餘二十載時從方士語以自虞若其吐納屈伸之術蓋薄之不深信也嘗病鄉鄰貧者死無所藏表隙地畀之今五十餘家矣將沒命子孫以薄葬正衣冠泊然而終享年六十有六寶淳熙元年八月二十二日以其年十二月八日葬于縣之柳栢鄉金堂源曾祖思應祖僕考緜娶方氏前公卒二子琪太學生偶鄉貢進士十孫男六長中孚次中實餘未名女四曾孫男女三皆幼分水之王中興以來淳則清範仍世不墮遂為東南望族君雖不試以其概見一二推之殆非浮沉閭巷者予不及識君而中孚中實皆從予遊退抑博飭衆皆目之意其必有所自予是以知君之教信行於其家也銘曰是何人斯一榻欲永孰知其初長雄五陵支牀之龜摩雲之鷲二蟲得失誰厚誰薄

金華汪君將仕墓誌銘

役重事也於朝廷為大議於郡邑為大政於編民為大命求諸故府弛張廢置之變悉矣異時或以義役為請有司方持之而閭里稍相與約上不違縣官律令而下以全其族黨之歡其意美甚然合散作輟靡克堅定以予耳目所及言之久而不敗者獨金華西

山爲然是鄉也蓋有人焉其姓名字曰汪灌慶衍
基創而紀綱之者也始君以役之病民聚大姓謀曰
吾鄉之人非父兄則子弟顧關於役墮恩死義爲耆
老者職是囂競者追胥科繇之憚耳率爲里正一歲
長短相覆亡慮費三十萬吾儕盍自實其貲爲三等
定著役之差次於籍衆哀金以昇當役者役之先後
視其籍金之多寡視其等他日戶有升降則告於衆
而進退之焉名雖役而實印給於衆尚何憚衆雜然
稱善即日立要束無違者旣又以哀金之煩也則衆
割田百畝庾之約成登其書於縣而各藏其副於家

歲三月鄉衆咸會擊豕釀酒舊里正以田授新里正
成禮而退自紹興己巳迄于今幾三十年西山役訟
不至於公門往歲郡守具公蒞嘉君之爲號其鄉曰
循理里曰信義以風其餘於是君之名與鄉皆顯君
資廉直急人之難不避風雨鄉有大事如經界如囑
官令長皆倚君以辦歲惡飢民羣剽爲政者請君畫
且調兵君曰此直丐升斗以紓死片紙可致聞兵出
則窮而搏矣乃遣巡檢與君俱君止巡檢於家獨以
數十輩持符逮之至暮皆集已而吏覲賞將悉論以
死君伏太守吐曰是曹束手隨檄未嘗扞格今棄信

而就功後復無凶歲乎且惟實召之守感悟亟解散
其獄黥者財二人君義著於鄉大氏若此其舉義役
所以倡之而和諭之而孚杜之而堅且久也君少以
賞補將仕郎卒以乾道九年十一月十六日壽六十
有七葬以淳熙元年十二月十九日兆於其鄉之烏
石屏山曾祖文岳祖濬考宗達娶郭氏男五大任六
亨大度大明大聲女五長適迪功郎江州德化縣尉
徐庭玉次適項欽而卒次適曾結次適時之望次適
孟龜年大度大明久從予游生元變謁銘銘曰
循理之鄉信義之里惟名之公其自君始亦既始之
焉又終之瞻彼墓門母或替之

通判沅州劉公墓誌銘

淳熙二年秋七月甲辰朝奉通判沅州軍州事賜
緋魚袋劉公及其夫人趙氏公葬于婺州武義太平
鄉之清溪原孤剛中先期誌曰吾父吾母携持小
子至於湖水之北沅水之旁云大棄之纍然孤身東
望故鄉數千里乃負乃載乃載乃降更一寒暑而匱
克達于家躬甬有畚袂除榛野乃規乃墾乃塗乃甃
又一寒暑而葬克安于兆惟且識窆之銘苟有辭以
質諸幽剛中死且不朽予游公父子間舊矣其何可

辭公諱邦光字國華曾祖政祖仲申將作監主簿考
繪贈通議大夫妣何氏累贈碩人公少嘗舉進士
一上不第妻父廣陵侯任以官口王邵武之光澤簿士
俗多盜枹鼓鳴尉巡檢悉所部奔命邑虛無備茲俠
睥睨公與令議籍材勇蠲其徭役縣兵或盡出俾之
扞防居者始得奠枕徙處之遂昌令始視事闕楊氏
訟母子兄弟更忿閱更數政不能決公親以酒酌其
母喻以天性之愛皆感悟數年之訟一朝而平用薦
者改秩知湖州長興縣歲惡發圭田之粟爲民先趙
夫人亦脫簪珥爲粥以食餓者邑人紀之終事沅州

三百九十五 東萊集十一 韓公補

安靜不擾歿而有餘思焉其一實乾道九年十月二
日趙夫人蓋懷王宗暄之曾孫濟國公仲說之孫而
廣陵侯士礪之女也雖出公於以能自屈卑服婦事族
姪無違言母又安郡章夫人於居旁郡夫人奏芳鮮
問寒燠凡可娛其老者無不用其極以郊恩封孺人
前公一歲正月十二日卒一男剛中一女適奉議郎
新通判無爲軍梁枕孫男一女四銘曰

劉爲溫人其徙則發八世其昌迎天之祐駢青聯紫
覃延厥宗公居其間別駕治中沅江之祖民夷罷市
清溪之會里人是記維禰相望儼實同藏於窆有石

款詩在旁

金華曹君墓誌銘

君諱曄字彥華姓曹氏東陽金華人也其先避五季之亂自桐廬徙焉曾祖伯端祖君寶考熙皆不仕君少愿慤居閭里畏事自守與人交曲有恩意不忍岸獄之苦夏置湯沐冬市薪炭輸之歲以爲常卒以淳熙二年三月八日享年六十有八是歲九月二十八日葬于婺女鄉盤龍嶺之原其配施氏祔焉三子曰起宗曰紹宗曰世昌一女孫男女凡四皆幼君篤意教子起宗世昌皆從予游將葬拜哭請銘銘曰

出入里門順而祗兮納子於庠儼履其綦兮令龜獻兆告厥時兮我作斯銘燕其歸兮

東萊呂太史文集卷第十一

東萊呂太史文集卷第十二

墓誌銘

嚴陵方君墓誌銘

桐君所廬下上數十里間言臺者以嚴遵言石者以郭文言山者以戴顯其蹟皆隱者之遺迹其緒或沒不見獨白雲原唐末方處士干始居之後出而枝葉最蕃一原數百家聯譜合牒衣冠人物之盛邦人紀之至於甲居之良雖事業無所試厓然秀眉集享全福彼其中蓋可占也君諱元恪字幾先少游郡庠已而舍業歸養慎以經緝以厚其生旣行旣盈則推以覆被其族而覃其鄉問飯飢薪寒憐死藥疾旁及橋梁涂路之屬力之所逮者未嘗有以焉故祕書監元若於諸方爲長均臨摺紳遊於許可顧獨樂君之淳固恩意篤備異日干戈搶攘中朝名勝往往來依祕監嘉時令節杯酒流行談賞諷詠聽者皆傾君頽然在席漠乎不以槩音心人亦莫能輕重淺深之也紹興己卯詔賜高年爵授承務郎久之復用恩增秩承奉郎賁以銀緋於是君年八十矣命服在躬子孫諸壻簪笏成列耳目膚革悅前日旣無所損而光耀曷爽處之夷澹視前日亦無所加也如是康寧者又十餘

年年九十有二以淳熙二年七月癸巳終于家曾祖
仁拱祖舉中考玠娶陳氏先卒二子伯曰行之迪功
郎仲曰望之一女歸吳真孫八人炳迪功郎南劍州
司戶參軍次燁煜煜煜焄焄焄焄焄焄焄焄焄焄焄焄
康府上元縣尉鄭十九從政郎平江府府學教授劉適
正朝奉郎新知江州范端臣王璞錢膺王中實其婿
也季者在室曾孫男五女七男之長者曰棗曰棗餘
未名女之長公祖次適詹孝述餘未行元孫
女三人尚幼葬以其年九月辛酉銘曰
坐閤六朝不出戶庭雲來四世陪導綏纓弔北原
言殤東垆六墓一六休哉永寧

分水徐君墓誌銘

廣川穹谷之間群然而居熙然而游生無爵死無謚
灑灑乎太古同風改其鄉之舊封之表之斲珣以銘
之無乃放於文而沒其質乎惟孝子慈孫哀其親之
志蓋無終窮欲託於辭以發其中心之至痛固非所
以爲文也自予屏處里閭四方之士或不鄙辱從予
游有徐生文虎者來自嚴之分水相與居者數年今
年春衰杖款門出其考之世系拜且泣斬得銘予以
游居之舊不可卻乃次第其本末以遺之歸君諱時

又字亨仲曾祖寶祖宗永父舜元皆不仕分水地陋而瘠山居其九而田居其一故其民大氏行賈銖裒釐積董董自足君幼嘗愛書中遭家難輟業從其俗而於昆弟厚薄多寡一無所計越其子從師友講習甚篤至課試利不利則未嘗深督過之也與鄉人處無違言其沒也弔者皆有戚容壽七十有一實淳熙二年八月四日是歲九月二十八日葬于縣南湧泉巖娶丁氏三子長文淵次即文虎文富二女將仕郎沈俊彥進士俞哲其壻也銘之作後其葬蓋一年銘曰

葬以其鄉銘以其子泉冽麓深尚安於此

劉梧州墓誌銘

梧州刺史劉公食祠官之祿於里中暇日子孫侍左右公命之曰大夫七十而致事禮也吾賴先人餘澤服王事者五十年以爵以齒幸濟登茲若免於官謗以朝大夫秩老于家豈小子實能吾先祖先父其嘉相之汝趣為我具章皆頓首曰諾如大人命章上詔報可賜一子官以寵其歸同邑若旁邑之姻連世舊舟于水車于陸湊門趨賀樂飲旬日乃罷自是遂深居不出靜養恬適又數年乃卒壽七十有四實淳熙

二年正月晦日其年九月丙午葬于蘇州武義縣泉
溪西山學士原其孤以公之闕闕行治來速銘謹按
泉溪劉氏系出温之荆溪其徙於武義距公蓋八世
矣公諱壩字叔翰曾祖仲思祖升承事郎贈中奉大
夫考滂朝請郎知建昌軍贈光祿大夫妣湯氏贈齊
安郡夫人公蚤以光祿卹典入官歷温州樂清縣尉
監潭州南嶽廟福州錄事參軍知徽州歙縣通判蘄
州軍州事主管台州崇道觀除知梧州未上復請還
崇道觀積官至朝請大夫其在樂清每行部輿衛胥
史鞞履糗振一主辦於已不以煩里正邑人紀之福

大而獄繁歎小而民瘠公書獄予生而拊民必依惠
職用不墮佐蘄兩攝黃守始至老校旅拜庭下曰旄
釋旦暮餒死惟公哀之眎其券不盼者且暮公蹙然
不安亟發庫金益以私帑疋瘠以蘇歸自蘄春無復
當世意比告老領祠官者四焉少嗜書晚歲猶展玩
不置每得名章俊語輒欣然忘食資和厚不與物忤
居鄉無貴賤皆得其驩心沒之日平客及門哭之必
哀初娶胡氏繼室王氏朝議大夫昇之女封宜人三
子長晬迪功郎紹興府上虞縣主簿先卒次紹迪功
郎蘄州青田縣主簿次續將仕郎一女適朝散郎通

荆婺州林信厚疏 刀三人成孫傳孫豹孫銘曰
前望不跂後顧不靡平進之轍味驅而止其止曷以
以其樂易風于後人勿墜勿替

永康陳君迪功墓誌銘

陳在婺為右扶名數布於七縣其譜或通
籍永康之前黃者不知於婺何別也蓋傳

十

得高安府君而前黃之陳始為儒家邑人
持白守之貧厚而慤蚤以事母聞隆於兄弟白首無
違言通之里閭遠之郡國所交耆稚良楛不同一接
以息意年十三入郡庠下筆疊疊諸生皆畏避之意

氣甚盛已而靖康之難其父赴京師捍衛沒不及家
事益落遂連蹇不耦紹興開太學故時儕輩強之行
公勉為出即綴弟子員往來二十年竟無所遇晚以
累舉息授迪功郎筠州高安縣主簿或謂鈞校朱墨
殆非老人所宜而公者事樂職蚤夜不怠若欲少自
見者諸公稍稍知之代還未及調官以淳熙二年八
月十一日卒於家嗚呼亡方少時心壯力强謂天下
事直差易耳年運而往更涉險難僅得一官欣然俯
首就之姑以少償其鈿槩之勞曾不得須臾以死盛
衰之變可勝道哉公雅能自寬婆娑嬉遊無憔悴留

落態暇則為詩文自娛至老不輟有在氏國類二十
卷遂志齋錄十卷鈞陽雜者二卷以其年九月二十
四日葬於朱旺距所居五里曾祖諱援祖諱賀考諱
知元承節郎公享年七十有二娶蔡氏敦武郎秉圭
之女前公十五年卒今祔公墓子男一人次孳女一
人適進士曹源孫男五人長曰充餘尚幼子雖未及
識公而公之從孫亮相與友實乘速銘銘曰
髡如髻如孫篋之初閱五星終甫從走趨不酢其動
卧起于于命也柰何保於其墟

金華曹君將仕墓誌銘

國朝之開吳越凡板授之秩皆命以王官金華之曹
有以司錄從其主朝京師者未及頒爵而卒子孫曰
不仕推其譜繇司錄而下三傳曰隨四傳曰介五傳
曰韶六傳而得公公諱佃字耕道少游郡庠貢法猶
未罷既升於辟靡矣睦寇亂東南亟舍以歸已而仍
歲執大喪公為人閑澹其隨群輩上下徒欲虞其親
自是遂絕意進取闔門以書史自適且數十年

今天子即位下赦令在貢籍久故者予初等官欲得
祠祿者畀之母拘以吏部格公於是例補將仕郎始
命一御冠裳拜於庭退則褐衣如它日同等多已受

祿或謂公盍亦自言公謝不荅異時朝路戚友力能
得之者甚衆叟以諗公卒亦不能強也季年神觀平
粹瞻聽䟽徹道學校舊聞京輔遺事語端絡繹無窮
聽者忘倦內外親伏臘燕聚黃髮鳩杖皤然在位長
少訢訢就列皆視歸於公弟順之風興焉元配汪氏
次配時氏其先夫亦汪也死於寇獨遺二穉女公為
置後悉授以先君之財二女亦皆得其所從當是時
郡縣新被兵條網未立乏祀之家彊弗友者並緣姻
連或更券劑以自利故人以公為難公雖不試於事
經界之興也吏駭於創見莫知所為公與為甲長令
以公儒者倚屬之公亦樂為之盡故視旁邑力半而
功倍焉其沒以淳熙二年八月丙辰享年八十有五
一子次何一女通承議郎新通判建寧府王渙其孫
女復適渙之子楷五孫著莊芑蒙芬曾孫六尚幼以
其年十月乙酉葬于赤松鄉沙溪原時夫人前公八
年交實同兆異域銘之曰

時於其出退之所繇也
畱於其祿齒之所繇也
有崇彼丘其亦莫之干也

永康王君誌銘

始予官太學日從四方之士遊于永康王願者一再

見氣下而語溫予洒然異之退然其同舍生雜然許其循謹無異辭自余還金華於永康為旁縣益習其為人他日衰經踵門拜且泣曰願不孝將奉考妣之喪歸于吾邑白眉山之原昊天罔極亡以自致昔者敦化之席願幸有位焉敢扳此義問銘於門下乃序次而述之君諱恬字道夫其先來自天台距今七世矣曾祖利用祖自然父有朋世為儒家以惇飭相授子弟拱立父兄側竟日不敢跛倚長者對客其亞雖髮有二色猶奉匱洗爵奔走執事里中諸儒皆自以為不及也君就學未幾不忍尊老親并白之勞亟廢

業以專子職出入阡陌與物少忤質樸和厚不知世間有鈎譎庾謹事自少至老以畏謹持門戶府縣之庭無履跡焉家雖貧遇人急難時弛服輟食以周之歲入甚微或意君長者奪攘無所忌君果不校其友尤之君曰吾豈以尺寸地敗宗姻恩義哉娶同縣呂師傳之女亦與君協德服塵婦事不擇劇易繼母嫠姊窮無依迎致饋養沒身不衰實生五子願頴顛頴碩一女適進士劉鼎男孫女孫合六人皆幼蓋君壽六十有五卒以淳熙元年十二月十日呂夫人壽五十九卒以乾道七年八月三日其葬以淳熙二年十

二月五日銘曰

其生也足不出乎里其死也葬不出乎鄉歟然大樸
帥彼民常是謂吉之之藏

金華時君德輔墓誌銘

婺之群室以地繫姓者皆其聞家清江之時蓋其一
也清江於婺為近郊時氏之居百年於此矣君諱汝
翼字德輔為人莊整寡言笑重然諾少孤更幫源之
寇餘屋數椽勤儉自力以封殖其家始而充中而裕
末而豐其所以制節內外臨長族屬約教童僕者凜
凜不可犯子若孫若子孫之婦酬贈饋問必告盼賦

東萊集卷十一

九

稟給必均闔門千指無敢私烹炊者歲時鄉閭聚會
君在坐譁者為止譁者為默其嚴憚之若是子孫勝
衣冠以上皆使之從師肄習晨起盥櫛未問家事亟
往勞來之在塾者以次侍各陳其業或當其意欣然
為之忘食雖有疾聞絃誦聲輒拊髀擊節不知病之
去體也每言曰吾生而多難不得極意於書今老矣
平生所嗜銷落向盡獨於文墨眷眷有餘懷兒曹其
尚成吾志乎里中暇秀後出新進皆折輩行與交門
臨達道道上往來者裝齎類塗掖輒延致之偶得勝
士館餼款繹連日夜不厭於襪祥禁忌無所信嘗大

築垣屋鄰人挾方士以進曰是太歲所直犯之且有
大殃君不為輟卒亦無他先墓在舍東數里歲遠蕪
廢君次第經緝自始祖而下十餘家甃甃椁楠髹堊
相照春秋帥其族洒掃終其世不忘君沒以淳熙元
年七月二十五日享年六十有五明年十二月初七
日葬于循理鄉九里原曾祖則祖理考煥娶邵氏三
子鎬錡鏘二女邵晏陳喪其壻也孫男七灃源淇演
灃灃灃灃灃灃灃灃灃灃灃灃灃灃灃灃灃灃灃灃灃灃
癸未進士自錡以下多從予游晚始識君則既病矣
猶危坐相對指授顧役皆中品式時氏之昌也有以
哉銘曰

東坡集卷十二

林安之墓誌銘

自予與永嘉陳君舉傅良游每道其學者林安之居
實不去口歲在壬辰安之始來婺相與共學其冬以
病歸間二年復自溫來會其瘠且憊形貌非復昔人
而志愈強識愈明其學亦非復昔人也予憂喜參半
別去餘月君舉以書赴曰噫安之死矣哀甚不能執
筆其為我銘之蓋安之之為人隆於師友一日不具

則悄然若有所亡至其合堂同席心融意浹身之休
戚年之蚤莫鄉閭之遠若近皆不暇知病益侵尚講
貫繹繹不休獻疑者納忠者代之憂者動之以危語
悲辭者日交於前安之蓋自如也士而有志於學者
蓋鮮亦既有其意矣怵焉輒移撓焉輒止莫大於死
生莫切於疾疢痾痛之賊其體膚及是而猶不舍業
使充其志庸可限其所至耶安之以淳熙二年十月
十九日卒是歲十二月二十日其父母兄葬之于其
鄉年實三十有四銘曰

若是而不可謂之成耶彼挑達者竟何成也若是而
可謂之成耶夫豈自以爲成也哀哉

邢邦用墓誌銘

群獻精微之緼質文始終之緒天典民彝之統紀合
而系之曰人衆則昌寡則悴咸無焉則晻昧而不章
道之無窮也善之難擇也氣質之參錯不齊也有從
事於斯固未可必其至苟其弗措則亦安知其必不
至也故鄉是焉者母問其父近淺深皆可爲斯文助
不幸奪之母問其父近淺深亦皆可爲斯文惜也况
其志浸確而其行事既有可見者乎此予於邦用之
沒哭之而不能已也邦用姓邢氏名世材其先青州

人中徙汴紹興間始家會稽邦用爲人重實幼孤事
母以孝聞母亡事其兄如父動息必咨拊教諸弟經
紀族姻恩意篤備旣舉進士得官盡棄故學徧從先
生長者游深思力索有所未達憤悱見於辭色退則
汲汲求踐其所聞出爲南康軍司戶參軍適歲大侵
日夜條畫方略告上官雖半用半不用迄無尤其出
位者郡檄攝令都昌下車亟發常平倉粟澹飢民隨
自劾部使者始怒已乃薦之朝蓋其惻怛發中故雖
數而不見謂瀆迫而不見謂訐度越規矩而亦不見
謂干名采譽也秩滿遷從政郎婺州金華縣丞未上

卒於家年三十七實淳熙三年三月二十八日其年
八月十二日葬于山陰縣溫泉鄉光相塢之原曾祖
諱榮祖諱臯父諱佐妣陳氏初娶和氏先卒再娶曾
氏子男三人淳淑湛淑爲叔父世元後女四人尚幼
予於邦用有連而相與講學非一日知之爲深邦用
平生它可紀尚衆顧其自任者厚非蘄以此自名故
獨論其所存以告來世千載之下尚有哀其志者銘
曰昆侖旁薄浩無際兮端車正轍隨所至兮命之不
融志則詣兮體魄攸降墜斯窳兮

潘朝散墓誌銘

自建炎省方吳會二浙之民漸王澤爲近谿阜谷陬
往往化章褐爲簪組其士大夫家仕者亦蕃於初一
門之內或四三或六七或累十數而未止也衣冠之
盛固人所喜道至於爵秩雖未甚通顯而遵畏涯分
不失前人靖厚溥質之緒尚論風俗者亦將有攷於
斯焉公諱好謙字伯益一字損之松陽人松陽之潘
自復州史君宗回以進士起家而族浸大公實其子
己而以祖命爲壽昌縣丞後壽昌於復州伯仲也生
三年知書偏傍復州暇日陳金石刻阿保劔之於旁
次摘問之通者秦半稍長益嗜文史恂恂馴飭不敢
心氣加人生十有七年壽昌沒旁郡已能護匿還里
不毀動行路結廬墓次竟祥禫乃復初尉麗水與鄉
耆封畛相入以職則迂舊故以情則廢繩墨公一接
以和而官事亦不慮歷泉州司理參軍福建安撫司
漕備差遣監戶部激賞酒廬糴場通判鎮江府京口
江淮間都會大軍所壁雜五方之俗號難治前是爲
貳者每諉事於其長廩食無所預公始至慨然曰是
豈不足行志邪在我前者相導而彌縫之在我後者
尉接而推掖之庶其有濟父之不得伸則又慨然曰
吾幸有故田廬亦何爲久於此亟移病僚屬挽之不

能止數年復通判紹興府未上卒於家官訖朝散郎
壽訖五十有九其歲月日淳熙二年四月己卯也公
雖入官四十餘年卧家之日三之二其去麗水去糴
場去京口皆請祠祿以歸樂間淡乃如是廉靖畏事
在官未嘗以私故役公阜壘居地產之珍終更猶不
知其名物松陽小邑易雄伯旺隸諱詔庭下縣吏輒
慕之動色公秩郎位要銀艾乃獨凌兢若有所懼夏
秋必趨家人具所輸絲必練治粟必精鑿毋以鹽惡
類有司曰吾先人之訓不敢改也居處簡樸游宴闔
希輿馬服用無所紛華曰吾先人之舊不敢加也縣

政中失里閭長短薄厚舉不以挂口曰吾先人數以
是厲子弟不敢隊也天雨雪勞賜並舍貧者歲有常
其尤厚者月有秩年凶民流則閭發凶汎給之曰此
舉非吾先人之族姻者吾力及焉不敢愛也噫若公
者其所謂遵畏涯分不失前人靖厚淳質之緒者邪
曾祖諱幹祖諱珂宣州涇縣主簿累贈朝議大夫考
諱宗說嚴州壽昌縣丞累贈朝散郎妣毛氏贈安人
先娶陳氏贈祕閣修撰東之女贈安人初朝廷錄陳
公睢陽之節官其子弟若壻而公與焉再娶閭丘氏
朝請大夫泳之女封安人子男子四景連迪功郎監

戶部激賞中酒庫次景夔次景尹次景達子女子五
長適宣義郎兩浙東路提點刑獄司幹辦公事鄭愿
中蚤卒次適進士葉近餘在室孫男女四人尚幼沒
之明年八月甲申葬于縣之布和鄉蘭灣其孤以臨
川陸九淵之狀來謁銘蓋公晚歲篤於教子余雖未
及際公景夔景尹皆越數百里遣從余游歲時還書
絡繹未嘗不屬其子也且謀徙家於婺以便其學嗚
呼此意厚矣其可忘哉銘曰

布和之原蘭被其厓有車之萃則克宅之維出不綈
維居不盭維傳不躋施于來裔

東萊呂太史文集卷第十二



